

L an mil six cens quarante un & le dernier
jour du moys de **may** environ les trys heures d après midy
regnant louys nostre souverain prince treziesme du nom
par la grace de dieu roy de france et de navarre, au()**devant**
l eglise parrochelle du lieu **de varenes** jurizdiction de villemur
au dioceze bas montauban et seneschaucee de()tholozé,
pardevant m(aîtr)e **jean bonafous** p(rest)bre habitant dudict
villemur a comparéu m(aîtr)e **andre riviere** p(rest)bre
bachillier en theologie habitant de ladicte ville, et dict
que m(aîtr)e **claudé viguer** pbrestre et()recteur ddict
varenes s'estant desmis par rezigna(ti)on en sa feveur
de la cure dudict varenes anexes et deppendances
d()icelle. Il auroict recouré en cour de rome quy
l'auroict muny des **provisions** et signature necessaires
en dâtte **du vingt cinquiesme** du moys de **febvrier**
dernier passé, et a suite a()monseigneur
l'evesque d'udict montauban, lequel luy auroict faict
expedier acte de forma dignum. Contenant mandement
et commission au premier pbrestre ou élève requis
pour la **mise en possession** de ladicte cure en datte
du vingt quatriesme du courant, et d autant
que ledict bonafous est de l'adicte qualitté, luy a

i° xxxix.

Présentées lesdictes provisions en bonne et deue forme
requis qu()il luy plaize d áceper ladicte commission,
proceder au faict d()icelle & ce faisant le mettre
tout presentement en lá possession reelle actuelle
et corporelle, tant de ladicte cure **saint martial**
de varenes que de son anexe nostre dame de
puilauron et autres deppendances. honneurs, fruitz
proffictz. revenus et esmolumentz d()icelles ávec
les inhibi(ti)ons necessaires, sur quoy lecture
prealablement faicte desd(ites) signature et commission
par led(it) bonafous p(rest)bre icelluy a receue lad(ite)
commission avec l()honneur et()revrance deubz. offert
de proceder au faict d()icelle et a l()instant ayant
prins ledict riviere pbrestre par la main droicte
l'auroict mis en la reelle actuelle et corporelle
possession de ladicte cure et()rectorie saint martial
de()varenes ensemble de sadicte anexe
nostre dame de puilauron et autres sy point
en a honneurs, fruitz, proffítz, revenus et
esmolumentz deppendans d()icelles par l entrée
et sortie de ladicte eglise et utres
formalittes et()solempnités a ce requizes

accoustumées et()necessaires. avec inhibi(ti)ons et
deffences a toute sorte de personnes de en ladicte
possession et()jouyssance de cure de varenes et
anexes. honneur fruitz. proffictz, revenus et
esmolumentz en deppendans. luy donner aucun trouble
ny empchement sur les peynes portées par ladicte
commission. dont ledict riviere p(rest)bre a requis
moy jean bascoul notaire royal dudict villemur estant
illec rettenir acte pour luy servir ainsy que de
raison, ce qu'ay faict en presance de
noble francois de ruffon sieur de mongayral, henry
foures bourgeois et barthelemy faure marchant habitans
dudict villemur soubz(sig)nés avec lesd(its) bonafous et
riviere et moy dict no(tai)re

Bonafous, pbre et com(missai)re

A. Riviere, pbre

Faure

Mongairal

Defoures

Bascoul, not(aire)

controlle led(it) jour
gratis